


Alinjil I aratan isaknu



Alzannat,
ehan n
Massina
hossayan



Iktab: Edward Hughes

Isidattat: Lazarus
Alastair Paterson

Ifissar: www.christian-translation.com

Isisaghad: Sarah S.

Tanfust tan 60 dagh 60

www.M1914.org

Bible for Children, PO Box 3, Winnipeg, MB R3C 2G1 Canada

Turagat dagh acharegha: tilegh turagat n asigbir megh akatab n tanfust ta a tigegeh wir tat in tizinzagh.

Tawellemet

Alwaq wa d izdagh Ghisa fal amadal immigrad I inattulab nes dagh isalan n alzannat. Igas isim "ehan wan abba nin" tolas issilmad as ahan tat ihanan ag-otnen. Ihanan maqqornen, hossaynen. Alzannat ti maqqarat tolas togar ehan kul dagh adduniya tihussay.




1

Inna Ghisa "Ad agla aknagh haw-an edag. Tolas a fal igleggh igegh haw-an edag, a did aqgila tolas agagh haw-an bismilla." Ikka Ghisa alzannat alwaq wa did inkar dagh tamattant. Iswadan dagh is inattulab nes alwaq wa d immitkal Ghisa, tigrav ti tegarakt iyyat dagh isalan war tan naha.



2


A iga awen, kriken tan kuttin tinna tan Ghisa n as a did eqqil eglu dirsan. Inna Ghisa a did eqqil jik dagh as wir aghilan eytedam. Mashen indek isalan n kriken tan wi immut nen dat assa n Ghisa? Alinjil immigrad as ad artiyen id Ghisa. Taghimit fal taghissa taqqal tartit id Amaxlak.



Annibdad id Massina

3

Ilkittab n Alinjil wan uzray s itawanna Revelasyon immigrad s immik wa s hossay alzannat. Arat kul wa hossayan inta s immik kul alzannat taqqal ehan n Massina. Massina eha edag kul mashen taxyamt nes alzannat a taha.



4

Angalosan d timaxluken ti hadnen aghbadnat Massina dagh alzannat. Dagh awen egen eytedam n Massina kul wi ammutnen ikkan alzannat. Tag-in isuhagh n alxer I Massina.




5

Iyyad dagh awalan iyyad diha n asahagh wa tag-in: KAY A ILAN SEMGHAR FAL AS TISSINKARA ANAGH DU I MASSINA S AZNI NAK DAGH TAWSHET KUL D ADDAWLAT TOLAS TIGEGH ANAGH IMANOKALAN D ALFAQQI TAN I MASSINA. (Rev. 5:9)




6

Ilkadan n Alinjil win uzray imalan samalan n alzannat zund "Jerusalem ta teynayat". Tikna timgharay, ehet aghalla zagren dagh asilim. Aghalla ikras s tihun iknanen azimilmil. Ilsanat tihun aghalla s dumu tan kul. Imi kul n aghrim ikras s tiblalen!




7

Imawan win dagh maqqornen kala war aheran. Ig-izat anagh ad niswkid ... Waou! Alzannat hossay ammas nes hullen. Aghrim ikras s uragh zund alkas. Hak id ticharramen ikrasnat s uragh.




8

Illay egarew hossayan, zaddigan s aman nes ingayan daw taxyamt tan Massina. Azrut nes kul achik dagh wi azzarnen n afarag wan Eden. Achik kul izlay id wi hadnen. Ila maraw ichikcha id ich-in izlaynen tallit kul. Tolas ifirinkitta nes aqqalan amagal I timittawen.



9

Alzannat wir tara tafukt wala tallit I annur. Arraxmat n Massina a ti tidnayat annur. War ilkem ad iga ehad dihen dagh.



10

Hak id arrizeg izlay dagh alzannat. Kul nes innun tolas immedaw. Ichegan n asuf id aratan nasan tattin yel dagh edag iyyan. Hak id iharran tattin zund awa dagh I tagu esu.



11

Dagh asawad, nigrin as illan ti aratan din nodan dagh alzannat. Wir ti illa alham. Wir ti illa akinnas wala timanzeq. Wir ti illenat tisaghfal fal alaban fal as wir ahen imakradan alzannat.



Wir ti illen inasbahu tan, imasaxaran megh eytedam labasnen. Wir ti illa abakkad kul dagh alzannat.

12

Dagh alzannat wir ti illen imittawan. Alwaqqan iyyad, eytedam tisalhen tikisnani maqqarat dagh adduniya a dagh. Dagh alzannat, a din imis Massina imittawan kul.



13

Wir ti tilla tamttant dagh alzannat. Eytadam ad artiyani id Massina harkuk. Wir ilkem a ti timal tikisnani, wala tala, wala tazzurt. Wir ti tilla tiwirna, wala tifiyet. Awedam kul dagh alzannat idduwat.



14

Awa ofan kul, alzannat tin imawadan d timawaden (d imadwalan) assiflasnen s Ghisa as amagaz nasan tolas ardan as eqqal mish-ishan. Dagh alzannat illa alkittab s isim nes Alkittab n Lamb wan tamudre. Idnay ismawan n eytedam. Egen tissana eytedam wi s iwaran ismawan nasan den dagh? Eytadam kul wi iflasnen s Ghisa.

Egen isim nak illa den dagh?



15

Awal n alinzil wan uzray war imos ar bismilla hossayan. "Ta-itay d tamazlayt kul ad annin 'iyyawat!' Tolas ayyat awedam kul wa islan 'iyyawat' tolas ayyat awedam kul wa issofad iyyawat. Tolas awedam kul wa igan awen deran, ayyat ad eshu aman n tamudre bannan".



16

Alzannat, ehan n Massina hossayan

Tanfust n awal n Massina dagh Alinjil

ta tiwagraw dagh

John 14; 2 Korintshien 5;
Revelasyon 4; 21; 22

"Asinti s ismawan nak ehakku annur."
Azzabur 119:130

Amaxlak issan as niga aratan haraynen s iga isim ibakkadan. Tamizilt n abakkad war taqqel ar tamattant.

Massina eriwan hullen har did isassaway ara nes wan iyyan, Ghisa, i ad itkil addaman n tamizilt. Ghisa olas du tamudre den eqqal alzannat! Massina addobat ad issuruf ibakkadan nanagh amarad.

A fal taregh a tabdagh id ibakkadan nak, ittir dagh Massina awa: Ya Massina, iflasa as Ghisa ammut fal isim wan in id tamudre nin. Igmaya dagh ik a did tig-iza tamudre nin I ad tissurufa ibakkadan in har agagh tamudre teynayat den ad n arti harkuk. Idhil i har sirik atiba agagh tamudre n alyad hak. Amin John 3:16

Aghru ilkittab wan Ghisa den magrad id Massina izil kull!